

From  
Synod Literature & Publication Board  
Synod Office  
Aizawl – 796 001  
Mizoram



# LÂWRKHAWM

## SEC THUT HUN SAWN

Synod Executive Committee (SEC) thut hun atâna Calendar-a ruahmanna awm sa, June ni 3–5, 2025 chu Mizoramah ruah sâr nasat avângâ tui lian leh lei min a tam avângin thulh a ni a. OM 12:2 of 3.6.2025 rêl angin June ni 25–27, 2025 khân SEC hi a thû ta zâwk.

### SYNOD KUTAH RAM HLAN

Ni 14.5.2025 khân Pu Vânlalngaia, Kulikâwn, Aizawl chuan Hlîmen Chuhvêla a ram, bigha 7.5-a zau chu Synod kutah a hlân. Ram inhlanna lehkhâah hian ram neitu Pu Vânlalngaia leh Rev. V.L. Luaia Hranleh, Sr Executive Secretary, Mizoram Synod-ten hming an zîak a. Hriatpuitu atân Rev. Dr Rosiamliana Tochwawng, Synod Executive Secretary leh Upa K. Zoremthanga, Kulikâwn, Aizawl-ten hming an zîak baw.

### LITERATURE CAMPAIGN

May ni 24&25, 2025 khân Tlungvêl Vêngthar Bialah Literature Campaign leh Seminar hmanpuiin Rev. P.B. Zosâphthara, Editor, SL&PB leh Pu Zohmangaiha, Asst Editor, SL&PB-te an kal a.

Hemi hun chhûng vêk hian Kawrthah Bial KTP buatsaih Literature Campaign-ah Upa Lalrammawia Ngênte, BEC Member a kal baw.

### PENTIKOS NI

June ni 8 kha Pentikos Ni a ni a. Zân inkhâwmah PCI General Assembly pualin tawngtâi rual a ni baw.

## PASTOR RETREAT TLUANG TAKA ZAWH A NI

Mizoram Synod hnuaiâ Pastor Retreat chu May ni 27–30, 2025 khân Aizawl Theological College, Durtlângah a awm a. Retreat-ah hian Mizoram Synod hnuaiâ thawk mêk Pastor leh Minister-te bâkah Pensioner-te an tel.

Retreat tãn zân hian Rev. R.C. Lalngkhâliana, Synod Moderator-in inlawmna leh Keynote Address a sawi a. May ni 28 zîng dâr 7 sermon inkhâwmah Rev. P.B. Zosâphtharan hun a hmang a. Chawhma session-ah 'Pastoral Ministry dinhmun thlîma (Hmân leh tûn)' tih thupui Rev. Vânlalzuan a sawi a, sawi ho zui a ni. Chawhnu session-ah 'Pastoral Ministry-in harsatna a tawhte leh a hmachhawn dân' tih thupui Rev. Dr Lalchawimawian a sawi a, sawi ho zui a ni. Zân inkhâwmah Rev. Prof. Tlânghmingthangan hun a hmang thung.

May ni 29 zîng sermon inkhâwmah Rev. R. Lalrinsângan hun a hmang a. Chawhma session-ah 'Pastor-te tãn lâk ngaih zualnate' tih thupui Rev. Dr K. Lalrinkiman a sawi a, sawi ho a ni. Chawhnu session-ah 'Kohhran mipuiin pastor-te an beisei dân' tih thupui Upa Dr Vânlalzâran a sawi a, zawhna leh chhâna hun hman a ni baw. Zânah inthlahna hun hman a ni a, Rev. V.L. Luaia Hranleh, Senior Executive Secretary-in thuchah a sawi. Retreat hi May ni 30, 2025 zîng dâr 8 khân a tîak a ni.

**'CHHANNA DIK' TLANGZARH:** Ni 2.6.2025 chawhma dâr 10 khân Devotion Hall, Synod Office-ah Synod Campus Ministry buatsaih tleirâwl leh thalaite zawhna 'Chhâna Dik' lehkhâbu tlangzarh a ni.

Tlângzarh inkhâwm hi Rev. H.L. Thianghlima, Campus Minis-try Director-in a kaihrui a; Rev. Dr Rosiamliana Tochwawng, Executive Secretary-in a tlangzarh.

Ni 21.3.2025 khân pâwl leh department hrang hrang sâwmin J.M. Lloyd Hall, Synod Office-ah seminar buatsaih a lo ni tawh a. Chuta thupui zirte chu lehkhâbu chhuah rêl a nih angin chhuah a ni ta a ni.

**THAWKTU THAR:** Ni 23.5.2025 khân John Williams Hospital, Lungleia Pharmacist (Contract) hna thawk tûrin B. Lalthapuii d/o B. Vânlalngaia, Khatla chu lâk a ni a. Ni 3.6.2025 khân a hna hi a zawm.

**CHURCH LEADERS TRAINING:** FG&CC chuan May ni 13–20, 2025 khân Church Leaders Pastoral Counselling Training vawi 40-na a buatsaih a. Hetah hian Teikhang Bial, West Phailêng Dinthar Bial, Damparêngpui Bial, Zohmun Bial, Chhiahtlâng Kâwn Vêng Bial, Tuidam Bial, Suarhliap Bial leh Dairam Synod atângin mi 26 an tel.

**LAY DAY-AH KHAN:** Ni 30.5.2025-a hman tâk Lay Day-ah khân member pension-a chhuak mi 36-te hnênah ngaihhraina thilpêk hlan a ni a; Lay Day puala member tinte thawh khâwm, ₹1,41,600/- chu Charity Fund atân Synod Hospital hotute kutah hlan a ni baw. SLWF-ah hian member 970 an awm a, kumin atâng hian Lungleia Branch hawn thar a ni. Lay Day kha PRESCOM Department leh PC Girls School-in PC Girls School-ah an inthlen tawm a ni.

## SYNOD Newsletter

## EDITORIAL STAFF

Rev. P.B. Zosâphara  
Rev. Dr K. Lallâwmzuala  
Upa F. Lalthlamuana  
Lalremmawia

## SYNOD CHHAWMDAWLNA

Tùn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlina pawisa pêk a ni:

# Editorial.....



## RUIHHLO HI

Khawvêla kan awm chhûnga kan mamawh reng tûr pakhat chu damdawi hi a ni a. Miin a hman sual erawh chuan a tâna pawî tak thlentu, ruihhlo a ni thei. Chaw pawh kan taksa siam thatu leh chakna min petu a ni a. Chin tâwk nei lova ei erawh chuan taksa thâ lai tichhetu a ni daih thei.

Damdawi hi miin a taksa mamawh tâwk chauhvâ a ei/inchiu chuan a taksa tân chakna leh na chhâwkna thâ tak a ni a. A hman sual erawh chuan nunna suattu, thil tihbaiawm tak a ni ta thung. Mizo mipui chang ni lovin, ram ropui tak tak pawh tibwaitu, hmêlma hneh har tak a tling ta a ni. Sawrkâr lian leh chak pawhin an tihrêm theih loh chu keini sawrkâr, Central sum ringa awm tân chuan hneh a har fu dâwn a ni.

Mizoram chu kan la vânnai a, kawng hrang hrangah kohhranin theihtâwp a chhuahna lamah chuan kan hawiher a dik ve leh mai thîn. Ruihhlo dona kawngah erawh hi chuan kan țang tâng tawk lo deuh a ni thei mai em, heti tak maia kan buaipui tâk hi? Rorêlna sâng zâwk ațangin kan duh lohziâ târ langin, dona tûr han siam teh rêng pawh ni ila, hma la nghâl tûr chuan chhûngkua hi a pawimawh lai a ni leh thîn.

A zuartu lam hian 'mi nunna kan lâksak, mi pawî kan sawî' an ti phal dêr si lo va. Thalai tam tak thlânah an liamtîr zung zung avâng hian Pathian pawî leh Mizoram pawî an sawî a ni.

Kan kohhran, chhûngkua leh khawtâng hian nasa lehzuala ruihhlo do tûra țan lâk thar a ngai ta khawp mai.

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Kawrtethawveng	Damlo	5	50,000	Phùllên Vêngthar	Damlo	1	10,000
Rêngdîl	Vânduaina tâwk	1	20,000	Ngêntiang Kohhran	Biak in bul lei min lung rem nân		5,00,000
Bûnghmun North	Damlo	2	20,000	Thênzâwl Field Vêng, Neihloh	In chhia	11	1,02,000
Zohmun	Damlo	2	20,000	Chêkâwn Kohhran	Lei min dâwlina atân		50,000
Vaitin Vêngthar	Damlo	2	20,000	Bâwngkâwn leh Bâwngkâwn			
Zonam East	Lei min tuar	1	12,000	Shalom	Lei min tuar	3	36,000
Hlimen Dâm Vêng	Damlo	1	10,000	W. Lungdâr Kohhran	Lung remna atân		30,000
Phùllên	Damlo	1	10,000	Kâwnpui Hmâr Vêng	Damlo	3	30,000
Zote	Damlo	1	10,000	West Phailêng	Lei min tuar	2	23,000
Zâwngin	Damlo	1	10,000	Zote South	Vânduaina tâwk	1	20,000
Tinghmun	Damlo	1	10,000	Kânhmun North	Lei min tuar	2	16,000
Saitual Bethel	Damlo	1	10,000	Mamit Dinthar	Damlo	1	10,000
Daido	Damlo	1	10,000	W. Bungmun	Damlo	1	10,000
East Phailêng	Damlo	2	20,000	Chhiahtlâng Chanmari	Khawsak harsa	1	10,000
Durtlâng Vênglai	Khawsak harsa	2	20,000	ITI Vêng	Damlo	1	10,000
Lâmchhip	In chhia	1	15,000	<b>Belh khâwm</b>			<b>11,44,000</b>
Pehlâwn	Damlo	1	10,000				
Meidum	Damlo	1	10,000				

## FINANCE

**Committee thu:** May ni 14&15, 2025 khân J.M. Lloyd Hall, Synod Office-ah Synod Finance Committee wavi 154-na a thû a, member 52 an kal. Committee hi Rev. R.C. Lalngkhâliana, Synod Moderator-in a kaihrui.

**Accounts Training:** Ni 16.5.2025 zân khân Durtlâng Vênglai Kohhranah Account Training pein thawktute Upa David Lalnunfela leh Tual Upa R. Lalbiakdika-te an kal.

## SOCIAL FRONT

**Moral Reform campaign:** May ni 24&25 khân Biate Bial Naupang Sunday School-ah Moral Reform Awareness Campaign hmanpuiin Upa Lalnunsiam Khâlthang a kal.

**Awareness Campaign:** Ni 31.5.2025 khân Tlungvêl Gate Vêng Kohhranah ramngaw, nungcha leh tuihna humhalh awareness campaign hmanpuiin Upa Lalnuntluanga, campaigner a kal.

## PRISON MINISTRY

**Ex-prison inmates follow-up:** Ni 10.5.2025 khân Tuikual Kohhran Hall-ah Ex-Prison Inmates follow-up programme wavi 5-na hman a ni a, ex-prison

inmate 51 bâkah Synod Prison Ministry-a thawkte leh mi dangte an tel. Pu Lalngkhinglova Hmâr, Minister of State i/c LESDE leh Pu Lalramngkhinglova, Khawngaihna In Founder-ten thu an sawi.

**District Jail tlawh:** May ni 17&18, 2025 khân Prison Ministry Committee member-ten hetiang hian District Jail an tlawh: *Lawngtlai District Jail-ah* Rev. Lalhleia, Director; Rev. Benny Lalmawia leh Upa Chawngsailova; *Siaha District Jail-ah* Rev. Lallianmawia Pachuau, Rev. Malsâwm-tluanga leh Rev. T.C. Laltlanzova.

## PRESBYTERIAN ENGLISH SCHOOL

**Sikul tlawh:** May ni 15&16 khân North Vanlaiphai leh Cherhlun PES tlawhin Upa P.C. Vânlalhruaia, Supervisor of Schools a kal a. May ni 27&28 khân Daido PES leh Phuaibuang PES tlawhin Upa P.C. Vânlalhruaia, Supervisor of Schools leh Upa Lalthanzâma, Committee Member-te an kal bawk.

**Dinhmun en fiah:** Ni 24.5.2025 khân Sialhau PES leh Khumtung PES tlawh leh an dinhmun en fiahin Upa P.C. Vânlalhruaia, Supervisor of Schools leh Upa Lalthanzâma, Committee Member-te an kal.

# Râl Vêngtu



Râl Vêngtu chu ruah sîr hnuaiah raincoat haa au lauh lauh chungin mipui kârah a kal zung zung a.

Mipuite chuan, “Chu! Râl Vêngtu thusawi chu ngaithla teh u, hman-hmawh deuhvin thu a sawi a nia,” an ti a. An han ngaihthlâk uluk chuan a thusawi chu an hre thei ta a.

“Aw Zoram, dawn Chiang teh. Fûr lo thlen apiangin engati nge in buai luai luai thîn? Mi dang puh tûr zawngin in kâ in âng a; thenkhat lahin Evin huan laia thei, ei mi leh mit la tak anga a hmu tlat ang khân, chhiar châkawm tak tûrin thupui an ziak a, ‘A ho leh ngawt ang,’ ti chungin an thu ziah in chhiar chhuak leh vek thîn lawi si. Mahni inbum in ni ber. In hmuh ve reng pawh chi dang deuhva an sawiin in awih zêl. Eng in tizo ta nge?”

“Fûr lo thlen tûr te hi sawi lâwk ngai pawh a ni si lo va, in in bul te lo tifai thîn ta che u. Tu mân tuihâwk luankawr hnawh in zak lo va. In in sak lahin thenawmtan an tuar thei ang tih in ngaihtuah thleng duh si lo. Thing phun peih si lovin a kih lam chauh in peih bawk si. Pathianin ram a pêk che u hi in tikhawlo zo ta a nih hi.

“Kohhran lam ni se, kamchhe tleuh nân tak in hmang ta mai a! Hetiang tûr hi em ni dawn? Kohhran siam that hun laia siam thatute kha chu kohhrana a khaipate an ni asin. Kohhran awmzia pawh sawi thui thei lo, inkhâwm pawh inkhâwm ngai mang lo leh mahni lawina pawh ni loten kohhran an sâwt vak vak hian lo buai tawh suh u. In himna tûra Pathianin thu a lo sawi tawhte hi bih Chiang rawh u. Tu mah indem tûr in awm chuang lo ve,” a thui chu an hre thei a.

“Thu tha deuh deuh min hrilh hi kan zawm a ngai a ni,” an ti sap sap a.

## SYNOD HOSPITAL, DURTLÂNG THILPÊK DAWNTE (May 2025)

### I. CHARITY FUND PETUTE

1. Pi Lalremi, Zêmbâwk North	5,000
2. Dr Lalmalsâwma Nghâka D-3 Business Enterprise	5,000
3. Pu Zodinliana, Mission Vêng	2,000
4. Pi Lalrokimi, ANS Rtd., Durtlâng Mêl 5	10,000
5. Pi Chawngchhingi, Mission Vêng	1,000
6. Pi Zorampâri, Chhâtâng	80,000
7. Pu Victor Zothansânga, Mission Vêng	1,000
8. Pu LT Hmangaihthanga & Pi PC Laltlani te nupa, Zuangtui Gosen Vêng	20,000
9. Hming thup	1,000
10. KÏP, Thingdawl Pastor Bial	10,000
11. Sesawng Kohhran Hmeichhia	5,000
12. Saitual Pastor Bial Kohhran Hmeichhia	5,000
13. Zêmbâwk North Pastor Bial Kohhran Hmeichhia	22,000
14. Sesawng Pastor Bial Kohhran Hmeichhia	6,000
15. Zonuam Pastor Bial Kohhran Hmeichhia	10,000
16. Kâwnpui Pastor Bial Kohhran Hmeichhia	20,000
17. E. Lungdâr Pastor Bial Kohhran Hmeichhia	10,000
18. Ngopa Pastor Bial KPP	10,000
19. Durtlâng Dâwrkâwn Taxi Stand Welfare	5,000
20. Fraser Media & Publication, Kulikâwn	10,000
21. Khatla Pharmacy, Khatla	2,000
22. Bethlehem Vêngthlang Kohhran	1,00,000
23. Lungdai Hmâr Vêng Kohhran	3,000

24. Tlungvêl Vêngthar Pastor Bial	20,000
25. Vênghnuai KPP	10,000
<b>Belh khâwm</b>	<b>3,73,000</b>

### II. THISEN PETUTE

	<b>Unit zât</b>
1. KÏP, Bâwngkâwn Brigade Branch	32
2. KÏP, Jubili Branch	32
3. KÏP, Rângvamual Branch	16
4. KÏP, Zêmbâwk Branch	46
5. KÏP, Hlimen Pastor Bial	48
<b>Belh khâwm</b>	<b>174</b>

### III. THIL DANG PETUTE

1. Zonuam Pastor Bial Kohhran Hmeichhia – Grace Home tân ₹10,000/-
2. Khuanglêng Pastor Bial Kohhran Hmeichhia – Thutthlêngsei (bench) 5.
3. Khawlailung Dinthar Pastor Bial Kohhran Hmeichhia – Hmunphiah 100.
4. Aibâwk Pastor Bial Kohhran Hmeichhia – Hmunphiah 60 leh thutthlêngsei (bench) 6.
5. West Sêrzâwl Kohhran Hmeichhia – Hmunphiah 100.

**LAWM THU SAWINA:** Hospital mamawh chi hrang hrang petute chungah Pathian hmingin lâwm thu kan sawi a. A lét tam takin Pathian malsâwmna lo dawng zêl ang che u. Thil pe duh tân Director (94361 41739) leh Nursing Superintendent (94361 52751)-te hnênah eng lai pawhin inhriatfir theih a ni e.

Rev. R. Lalvulluaia  
Chaplain Sr, Synod Hospital, Durtlâng

### GRADUATION DAY HMANG

Ni 2.6.2025 khân Mizoram Christian College (MCC) chuan Woodland Hills, Zonuamah Graduation Day wavi 3-na a hmang. Hetah hian Dr Benjamin Lalfakzuala, Vice Principal-in zirlaite thlahna thu a sawi a; Rev. Dr Rosiamliana Tochhawng, Executive Secy i/c MCC-in zirlaite leh thawktute fuihna thu a sawi. MCC ațanga Graduate thar thlah takte hi BA zirlai 44, B.Com. zirlai 17 leh BBA zirlai 8, an vaiin mi 69 an ni.

### ZAI HRUAI TRAINING

May ni 21&22 khân N. Vanlaiphai Damdawi Vêng Bial leh Mualchêng Kohhranah Zai Hruai Training pein Pu H. Lalrinmawia, Senior Music Instructor a kal.

### SYNOD MISSION BOARD

**Ramthar Campaign:** May ni 10&11, 2025 khân Khawhai North Kohhranah Ramthar Campaign hmanpuiin Rev. R. Lalhmingsânga, Synod Mission Board Secretary a kal.

**Missionary Retreat:** May ni 22–25, 2025 khân SMB chuan Dâwrpui Vêngthar Kohhran Biak Inah Home Mission & Cachar Tlângram Missionary Retreat wavi 5-na a buatsaih a; thupui ‘Thiltihtheihnaa thuum’ (Eph 6:10) tih chu Rev. Lalsângbera, Mission Vêngin a sawi. SMB hnuaiah region pathum – Central, North East leh Home Mission a awm a, Missionary Retreat hi kum tin region in chhâwka neih thîn a ni. Home Mission leh Cachar Tlânggramah hian thawktu 610 an awm mêk.

**KRISTIAN THALAI PAWL**♦ **NEICCYA Biennial Assembly**

May ni 16&17, 2025 khân NEICCYA Biennial Assembly vawi 20-na chu Balupara (Tura), Meghalaya-ah hman a ni a. Central KṚP Committee leh Bial hrang hrang aiawh mi 50 bâkah Mizoram Synod Choir an kal. Inkhâwmpuia hian Unit 15 aṭangin palai 487 an kal a. Kum 2025–2027 NEICCYA Executive Committee Member atân Pu Lalruatpuia, Central KṚP Committee Member chu thlan a ni.

♦ **Meet leh Training hmanpui**

May ni 23–25, 2025 khân Thênzâw Vêngthlang Bial KṚP Meet leh Leadership Training hmanpuiin Rev. H. Lalawmpuia, Leader, Central KṚP leh Committee Member-te – Pu Rossi Lallâwma hian leh Pu Lalrambuat-saiha-te an kal.

♦ **Meet hmanpui**

May ni 24&25, 2025 khân Dârlung Bial KṚP Meet hmanpuiin Pu C. Lalkhawngaiha, Asst Secretary leh Committee Member-te – Tual Upa Lalthananga leh Upa C. Malsâwmtluanga-te an kal.

♦ **Talk Show-ah tel**

Ni 29.5.2025 chhûn dâr 12 khân UD&PA buatsaih Aizâw khawpui faina leh thianghlimna kawnga (Faina kawnga harh tharna leh hmahlîr) Talk Show, Ignite Studio-ah Central KṚP aiawhin Committee Member-te – Tv. P.C. Lalthanmawia, Pu David Lalruatfela, Pu Rochhîngpuia, Tual Upa Lalremsiama Khiangte leh Upa Lalbiakfela-te an tel.

♦ **Bial KṚP Joint Meet hmanpui**

May 31–June 1, 2025 khân Saitual Kohhran Biak Inah Saitual Pastor Bial leh Saitual Chhim Vêng Pastor Bial KṚP Joint Meet hman a ni a. He hun hi Pu Lalruatfela, Asst Leader; Upa Lalzârmawia, General Secretary leh Committee Member-te – Pu C. Hmingthanzauva leh Pu Rochhîngpuia-ten an hmanpui a, Mizoram Synod Choir an zai bawk.

♦ **Tlungvêl Vêngthar Branch-ah**

Ni 2.6.2025 zân khân Tlungvêl Vêngthar Branch *Member 110 Inkhâwm* hun hmanpuiin Committee Member-te – Pu C. Hmingthanzauva leh Upa Lalbiakfela-te an kal.

♦ **Dârlawng Branch-ah**

Ni 2.6.2025 zân khân Dârlawng Branch KṚP Evangelical Night hmanpuiin Pu C. Lalkhawngaiha, Asst Secretary leh Tv. Vânlalremliana, Committee Member-te an kal.

**KOHRAN HMEICHHIA**♦ **NEICCWA Asembly-ah kal**

May ni 23–25, 2025 chhûng khân North East India Christian Council Women Assembly (NEICCWA) Biennial Assembly vawi 15-na chu Shalom Bible Seminary, Sechu Zubza, Nagaland-ah a awm a, Nagaland Baptist Church Council-in a thleng a ni. Hetah hian Central Kohhran Hmeichhe Committee leh Bial aiawh mi 58 an kal.

♦ **Training, campaign leh seminar**

May 30–June 1, 2025 khân Leadership Training, Kristian Chhûngkaw Campaign leh Buhfaithâm Seminar hmanpuiin Central Kohhran Hmeichhe hruaitute hetiang hian an chhuak: *Keifâng Bialah* Pi Lalthansângi, Pi Lalramngaii leh Pi Lalngâkliani; *Bûngtlâng Bialah* Pi Lalramthangi, Pi Vânlalnunsiami leh Pi Lalmanpuii.

**MSSU ZIRTIRTU TRAINING**

Sunday School zirtirtu training pein hetiang hian MSSU Trainer-te an chhuak:

Ni 17.5.2025 khân *Chhînga Vêng South Kohhranah* Upa Lalthanchhûnga, Upa Zionpârlâwma leh Upa John Lalnunthara; *Chanmari West Kohhranah* Upa K. Zoremsânga, Upa C. Lalbiaksânga leh Upa Lalliantluanga.

Ni 24.5.2025 khân *Bâwngkâwn Shalom Kohhranah* Upa Lalthanchhûnga, Upa Lalrinawma Râlte leh Upa Dr Lalmachhuana; *Salem Mualpui Kohhranah* Upa Hritthansânga, Upa B. Hmingthanzauva leh Upa Lalsiammawia Pachuau.

Ni 6.6.2025 khân *College Vêng Kohhranah* Upa Lalthanchhûnga.

Ni 7.6.2025 khân *Chite Vêng Kohhranah* Upa K. Zoremsânga, Upa Lalchualova leh Upa John Lalnunthara; *Durtlâng North Kohhranah* Upa Zohmangaiha, Upa C. Lalbiaksânga leh Upa Lalliantluanga.

**PASTOR QUARTERS LEH RAM EN**

Ni 16.5.2025 khân West Phailêng Pastor Quarters garage sakna tûr leh Dârlâk Pastor Quarters sak mêk en felin Pu Lalramênga Royte, JE a kal.

Ni 19.5.2025 khân Champhaiah Synod ram en felin Rev. V.L. Luaia Hânleh, Sr Executive Secretary leh Upa Thangliankhûma, AE-te an kal.

**PRESBYTERIAN BIBLE SCHOOL ADMISSION NOTICE**

Presbyterian Bible School, Mission Vêng, Aizâwlah Certificate in Theology (C.Th.) zir tûr lâk a ni leh dâwn a. Dîl duh chuan hêng hi hriat tûr a ni e:

1. **Admission Form** hi office hun chhûngin PBS Office-ah ₹10/-a lei tûr a ni.
2. **Dîl hun chhûng:** August ni 21, 2025 (Ningani) thlai dâr 3 thleng.
3. **Dîl thei chin:** Class VII/Middle School exam pass, kum 16 aia naupang lo, kohhran dân chhûnga awm.
4. **Interview hun:** August ni 26, 2025 dâr 10 am, PBS Lecture Hall-ah.
5. **Class fan hun:** September ni 1, 2025 (Thawhtanni)
6. **Zir hun chhûng:** September–November, 2025.
7. **Zir hun chhûngin zirlaitte hnênah thla tin stipend** pêk a ni ang.

Hre Chiang duh tân Phone No. **8415852442** leh **8794157618**-ahte zawh fiah theih a ni. Hostel a awm lo va, zir tûrte chu awmna tûr inngaihven mai tûra ngaih an ni.

Rev. Lalêngzika  
Principal, Presbyterian Bible School